



**“As coplas aprendidas
na saia da avoa”.**

A Real Academia Galega acordou dedicar o Día das Letras Galegas 2025 á poesía popular oral, personificado en Adolfinia e Rosa Casás Rama, de Cerceda, Eva Castiñeira Santos, de Muxía, e Manuela Lema, Teresa García Prieto e Prudencia e Asunción Garrido Ameixenda, integrantes estas catro das Pandeireteiras de Mens (Malpica). É unha representación colectiva, como xa se fixo na elección dos trovadores da ría de Vigo en 1998, cos que se rendeu homenaxe á poesía medieval. Coa elección de 2025 quérese recoñecer a importancia da poesía popular oral, que acompaña a nosa sociedade desde sempre.

CANTIGA DA CAÑIZA

Non te namores, meniña,
meniña non te namores
non te namores, meniña,
das palabriñas dos homes.

Tres días hai que non como
senón bágoas con pan
así son os desenganos que
os meus amores me dan.

Dille que suspiro e choro,
dille que vivo morrendo,
dille que se compadeza do
mal que estou padecendo.



**CONCELLO
DACAÑIZA**



**Deputación
Pontevedra**



Ilustración de Luis Davila

**17 MAIO
LETRAS GALEGAS 2025**

“Cantareiras”

**CONCURSOS
LITERARIOS**

CONCURSOS LITERARIOS "LETRAS GALEGAS 2025" CONCELLO DA CAÑIZA

EXTRACTO DAS BASES REGULADORAS DA CONCESIÓN DOS PREMIOS DOS CERTAMES LITERARIOS "LETRAS GALEGAS 2025": XXVI CONCURSO DE POESÍA E XXIV CONCURSO DE RELATOS OU NARRACIÓNS BREVES, QUE SE CONVOCAN POLO CONCELLO DA CAÑIZA.

Poderá consultar todos os artigos na páxina web www.caniza.org

Artigo 1. Obxecto

1. Establécense as bases reguladoras das concesións que efectúe o Concello da Cañiza para a concesión en réxime de concorrencia competitiva, dos Premios Concursos literarios Letras galegas 2025:

XXVI CONCURSO DE POESÍA E XXIV CONCURSO DE RELATOS.

2. Estes premios son compatibles con calquera outra subvención, axuda ou ingreso para a mesma finalidade, procedente de calquera das administracións ou entes públicos ou privados, nacionais, da Unión Europea ou de Organismos Internacionais.

Artigo 5. Publicación das bases
Estas bases publicaranse na web municipal (www.caniza.org) e na súas redes sociais.

Artigo 7. Requisitos dos participantes.

1. Poderá participar no certame calquera persoa física maior seis anos, de nacionalidade española ou estranxeira, que cumpra os seguintes requisitos:

- A obra que se presente ha de ser inédita.
- A obra non puido ser presentada en ningún outro certame nin ter sido premiada con anterioridade. As autoras/es garantirán a autoría e orixinalidade das obras presentadas ao concurso, así como que non é copia ou modificación de ningunha obra allea, nin integral, nin parcialmente.

Artigo 8. Temática

A temática das obras será libre.

Artigo 9. Presentación das obras

Os traballos presentaranse en lingua galega. Non poderán vir asinados nin levarán inscrición ningunha que puidese suxerir o nome do autor ou autora, sendo presentados cun lema ou título e deberán vir acompañados dun sobre pechado no que figure por fóra: a Modalidade e Categoría na que se concursa, o Título da obra e o lema ou pseudónimo do autor. E no seu interior: nome e apelidos, idade, enderezo, teléfono de contacto e fotocopia do DNI ou Libro de familia.

A extensión da poesía :

1ª Categoría: **15 versos mínimo**

2ª Categoría: **25 versos mínimo**

A extensión do relato:

1ª Categoría: **Mínimo de un folio e un máximo de cinco.**

2ª Categoría: **Mínimo de un folio e un máximo de cinco.**

Artigo 10. Prazo de presentación das obras
O prazo de admisión de obras rematará o 14 de maio de 2025 ás 13 h

Artigo 11. Lugar de entrega das obras: As obras deberán entregarse ou enviarse ao seguinte enderezo:

**Biblioteca Pública Municipal da Cañiza
Rúa Progreso nº 21 – 2º Andar
36880- A Cañiza (Pontevedra)**

Artigo 12. Modalidades

Establécense dúas modalidades e dentro destas, dúas categorías de participación:

1.Modalidade: XXVI Concurso de poesía.

1ª Categoría: De 6 aos 12 anos (incluídos)

2ª Categoría: De 13 a 17 anos (incluídos)

2.Modalidade: XXIV Concurso de relatos.

1ª Categoría: De 6 a 12 anos (incluídos)

2ª Categoría: De 13 a 17 anos (incluídos)

Artigo 13. Criterios de valoración das obras.

As obras presentadas serán valoradas en base aos seguintes criterios:

1. Creatividade e orixinalidade da obra.
2. Forza expresiva da obra.

Artigo 14. Premios

Establécense 4 premios que se outorgarán a cada un dos gañadores de cada modalidade:

1.Modalidade: XXVI Concurso de poesía.

1ª Categoría: 120 € + Diploma

2ª Categoría: 120 € + Diploma

2.Modalidade: XXIV Concurso de relatos.

1ª Categoría: 120 € + Diploma

2ª Categoría: 120 € + Diploma

O xurado ademais poderá conceder os accésits que considere pertinentes.

A organización resérvase o dereito de deixar vacante calquera dos premios do concurso.

Artigo 17. Entrega de premios.

A entrega de premios realizarase durante un acto que terá lugar no **Salón de Plenos do Concello da Cañiza o día 17/05/2025 ás 12 h.**